

*Rules of conduct in emergencies and in warfare*Ntwa,Malea le dikeletso

Fa banna ba tloga motsing go ya ko marumong pele basadi ba bona ba ba silela mabetsana ba ira boupyana ba sejo. Janong fa pabadi e lla ka mosate monna o tseye boupe a tshela ka sebateng, a tseye lepe sa tshaka a re lerumo, jaana a phalalele mosate. Ko mosate banna ba tla fitlha ba emiswa ka magoro, monna a ba bala ka go ya ka magoro. Janong fa kgosi e itse dipheko tsa marumo e tla phura maima ya kgwela ko pele ya kgwela ko pele ya kgwela ko morago le ka ntlha tsotlhe ya ba pota-pota ka ditse sa kgama ya ba fa tsela. Ja ka Morena Nawa go thwe o kile a foka batho ba gagwe jalo fa ba yo lwa le Mapedi ga Mokopane. Fa kgosi e sa itse go foka marumo e tla bitsa ngaka ya yona ya tla ya foka marumo, ja ka ka fa Tsiditsane e rile fa Matebele a Mfatlha a bololela go Kopana le ba-Mosetlha kgosi Motshela a bitsa Makelepe ngaka ya tla go foka banna e ba dikologa ka ditse ga kgama. Makelepe ngaka ya mmina phuti monna wa Molefe ya swetseng Tsiditsane a bo a ba fokile ka pheko ya badimo. E rile bosiu Bakgatla ba pinyellwa ke boroko, mme ba-Mfatlha ba fitlha ba inola dinama, pitseng tsa bona. E rile bo osa Mokgatshane Morena wa Bakgatla a re go Bakgatla bofellang re yena.

Fa go paka Motshabo mosadi-mogolo wa Makgwane mmina phuti ya tserweng ga Tsiane nageng ya Dintshi o re fa e bolotse banna ba ileng gona marumong, melao le boitshwaro ba basadi bo ne bo le boima thata. Mogopo wa monna le fa a se teng o ne o ntse o tsholelwa mosoko, go thwe fa a na le ngwanabo wa lesogana ke yena ya neng a ka jela ka wona, le fa e le rragwe a ka jela ka wona ga gona phoso. Fa e le mosadi mongwe kapa mosadi wa monna ya ileng marumong ga a lumelwa go jela ka mogopo wo. Fa go se na wabo monna kapa raragwe ya ka jelang ka wona, mosadi o tla nna fela a tsholela ka mogopong. Fa go sa na go fetswa go jewa mosadi o ntsha mosoko ka mogopong a wo neye dimptsa tsabo. E re fa di neile a tseye mogopo wola a wo

tlatse ka metsi, a ba a beye wo mongwe go kgurumetsa. Mosadi mogolo motshabo a re ke yona tiro ye mosadi mongwe le mongwe a tlang go e elelelwa ka bosiu le mantsiboya. Mosadi gape ga a ke a tsaya lefeelo motshegare go feela ga e se fa tsatsi le fitlha nko, le fa pele le lhaba a ka feela-feela ka bonako a fetsa. Mosadi ga lumelwa go tsamaya thata ga e se fela go ya ga metsi. Fa mosadi a tswa ka tlung ya gagwe go ya ka ntle o kgurama ka thoko a ye ntle. Mosadi ga a ke a ralala lelapa ka legare fa monna a sale marumong go thwe ke moila ga Mfatlha.

Janong fa mosadi a tswa ntle o tla burama gape a tsamaya ka dikguru a ntse a thetha lelapa ka thoko-thoko go fitlhela a tsena ka tlung. Mosadi wa monna ya sa leng ko ntweng fa a ntse ka metlha o nama makoto a gagwe a a phuthe makoto f a ntee gatshe. Motshabo o re fa mosadi a namile makoto jalo ke gore monna wa gagwe ko marumonga se ke a tihabjwa ke diphatsa e tle a di mo phepise ka go nama makoto ka metlha. Ka metlha fa ba ntse basadi ba tlhwaile tsebe fela ba utlweletse ka ntsha ya marumo. Ga e ka re ba ntse ba utlwa lekgwela le lla, mosadi yo mongwe le mongwe o tla gogoba ka makguru a fitlha a ribama ka thoko ya lelapa la gagwe mabapi le kgorwana mme a inamisa tlhogo dikgurung a fitlha matlho. Janong banna ba marumo ba tla tswela ba opela mogobo wa ko marumong molodi o lla o ya teng-teng. Janong monna o tla thoma a bale maina a banna ba boileng ntweng ba phela e seng ba ba ileng le marumo. Fa monna a bala maina basadi bona ba tla sala ba sule madi a mebeleba thwaile ditsebe, yo mongwe le mongwe a utlweletse ina la monna wa gagwe. Monna o tla bala maina go ya ka dikgoro tsa motse, a thome ka kgoro tse nnyane go fithla ka magoro a mosate a umaka fela maina a banna ba phologileng. Go thwe ba ne ba tsamaya le kgorwana tsa malapa jalo-jalo. Fa basadi ba utlwa selo ka kgorong yeo banna ba tswang ka teng ba itse gore ba bangwe ba jelwe ke marumo. Motshabo mosadi wa mmuna phuti wa Makgwane o re fa banna ba fitlha ka ntlu ya monna ya suleng ntweng monna o tla tsena a rwele fela dipurugwana tsa ya bolaileng a fitlha a di sitlhametse pele ga kgorwana a tswa a latele banna. Janong mosadi wa lapa leo o tla tlhobosetswa ke tsona dikobjana a name a tshame selelo.

END S 562